



UKA16/107
13.oktober 2016
Debora Kleist

Ilaqutariittut inunermit iluaqutaanerusumik sulisoqarnermut politikkeqalernissaq anguniarlugu Naalackersuisut UPA2017-mut iliuusissanik nassuiaasiornissamik peqquneqarnissaannik Inatsisartut aaliangiiffigisassaattut siunnersuut.
(Inatsisartunut ilaasortaqaq Sara Olsvig, Inuit Ataqatigiit)

Inuit Ataqatigiit Sara Olsvig isumaqatigaat ukuini tulliuuttuni nuntsinni ukioqatigiiat amerlassussaasa ineriartornerat eqqarsarnartoqarmat. Ineriartornerummi kingunerissavaa pilersuisussat ikinnerulernerat isumassugassallu amerliartuinnarnissaat.

Inatsisartut, ilaqtariit meerartallit pitsaanerusumik atugaqalernissaanut eqqartussallugu siullermiilingillat. Inuiaqatigiulluta meeraqarnerup pitsaanerusumik aqutissiuuneqarnissaa ilusilersueqataaffigisavarput. Taamaasilluni angajoqqaangortut pitsaasumik atuagassaqaartinissaat angujumallugu. Ilisimavarput nunatsinni erninermi sulinngiffeqarnissamut periarfissaasut iluini angajoqqaartoq tamakkiissumik atuinissaminnut akissaqartitsinngistut. Taamaasilluni meeqqat alliaratorneranni toqqissimasumik atugarissaarnissaat angajoqqaanut artukkiisinnaalluni.

Tamannalu siunnersuuteqartup allanngortikkumallugu Naalackersuisut suliffeqarnermut tunngasunik nassuiaasiornissaanik ujartuina taperserparput. Nassuiaasiornikkut makkua qulaajaneqarsinnaasutut isigaarput: Piffissannginnginnerpa angajoqqaangortussat toqqissimasumik perorsaanissaanut aqutissiuutissallugit? Angajoqqaangornissamut arlalinnik qitornartaarnissamut suut eqqaffigineqartariaqarpat? Siusissukkut iliuuseqarnissaq qanoq pingaaruteqartigaa? Angajoqqaangortussanut ikorfartuutaasussat aqutissiuusinerillu tunngavissineqarnissai anguniarlugu. Upernaaq aasallu sulisartut aammalu sulisartut inuusuttaanik naapitsinermi Inuit Ataqatigiinniit sulisartut ullumikkut atugarisaat pillugit oqalugiaateqarneq tigulluarneqarmat. Pingaartumik erninermi sulinngiffeqarnissamut atugassarititaassut eqqarsaatigalugit.

Nalunngilarput naalungiarsuup inunngornerani, ukioq siullem pingaaruteqarluinnartuusoq, meeqqap peqqissumik ineriartornissaanut. Angajoqqaanut attaveqarnissaq pingaarluinnartuuvoq timikkut tarnikkullu, misigissutsikkut toqqissimasumik inuunerup aallartinera meeqqap pingaaruteqarluinnartutut isigaarput. Toqqissimasumik peroriartoraani aamma alliaratornermi akiuussinnaasunngornermik nukittuunerunermillu pilersitsisartoq ilisimavarput.

Siusinnerusukkut erninnermi sulinngiffeqarnissamut atugassarititaassut pitsanngorsarniarlugit Inuit Ataqatigiinniit oqaliiserisassanngortitsinikuupput. Naalackersuisut suliffeqarnermut tunngasunik nassuiaasiornermik qulaajagassat assigiinngitsorpasuit ersarissunngorlugit saqqummiussinaasaasa ilaagat, ernereernermi sulinngiffeqarnermi atugassarititaassut pitsanngorsarneqarnissaat susassaartut peqatigalugit. Ilaqtariinnut ilinniartunut inissiat pisariaqartinneqartut, ilaqtariit nukittuut pilersinnissaanut aqutissiuussineq, meeqqinornerunissamut tunngavissat pitsaanerusut. Ilaqtariinnut politikkeqarlernissamut alloriarneq pitsaasoq anguneqassaqaq. Siunnersuutip qiterilluinarpaat ullumikkut ilaqtariit pitsaanerusumik atuagassaqarnissaat, minnerunngutsumik meeqqiortut eqqarsaatigalugit.

Taama oqaaseqarluta siunnersuut taperserlugu ataatsimiititaliamut eqqartugassanngortipparput.